

嘉靖太原縣志

太原縣志卷之六

邑人高汝行纂輯



邑人王朝立校正

**集詩**

太原早秋

**唐**李白

宗室翰林供奉

歲落衆芳歇時當太火流  
霜威出塞早雲山  
渡河秋夢遠邊城月心飛  
故國樓思歸若流水無日不悠悠

次太原呈吳郎中

韓愈

昌黎人工部侍郎

太原縣志卷六

一

朗朗聞街鼓晨起似朝時  
翻翻走驛馬春盡是歸期  
地失佳木處風存蟋蟀詞  
暮齒良多感無事涕垂頤

題晉祠

**宋**

范仲淹

吳人贈太師

神哉叔虞廟地勝出嘉泉  
一源甚澄澈數步忽潺湲  
此意誰可窮觀者增恭虔  
錦鱗無敢釣長生同水仙  
千家溉禾稻滿目江鄉田  
我來動所思致主愧前賢  
大道果能行時雨宜

不憇皆如晉祠下生民無旱年

遊叔虞祠

張伯玉

太谷縣令  
宣和五年

廟中桐葉手中文閒讀高碑拂素塵異隴歸  
未曾是主徒林射兕獨留神關河莫問周秦  
事花木誰分漢魏春惟有門前舊溪水秋風  
幽咽送行人

題叔虞

呂惠卿

河東安撫使

剪葉疏封意歸禾協濟心遺風固唐遠積德

太原縣志卷六

二

本周深逝水悲興廢浮雲閱古今祠宮尚暈  
翼鳴玉漱松陰

遊晉祠

歐陽脩

廬陵人為河東制置使

古城南出十里間鳴渠夾路何潺潺行人望  
祠下馬謁退即祠下窺水源地靈草木得餘  
潤鬱鬱古栢含蒼烟并州自古事豪傑戰爭  
五代幾百年天開地闔真主出猶須再駕方  
凱旋頑民盡遷高壘削秋草自綠埋煙并人

昔遊晉水上清澈耀涵朱顏晉水今人并州  
裏稻花漠漠澆平田廢興彷彿無舊志氣象  
寂寞於山川惟存祖宗聖功業干戈象舞被  
管絃我來覽登為太息暫照白髮臨清泉鳥  
啼人去廟門闔還有山月來娟娟

梅堯臣

宛陵人國子監直講

并州古來稱近胡山雄氣壯民足儲山根晉  
水發源處平若皎鑑潛決䟽漸流漸急不可

太原縣志卷六

三

測以至漣漣鳴清渠豈惟俯可見毛髮况乃  
了了看龜魚下溉平田幾百頃稻苗耙耜曾  
不枯興亡莫問隨水遠廟深草樹空扶踈伊  
尹持節過其下愛此佳趣聊停車北望故城  
無舊物決漭草色連立墟已向風前聽好鳥  
只為落日聞蒼狐晉人頌識漢使羨冉冉青  
鬢似綠蒲

題晉祠

汪藻

一脉泉随天地老悠然洗盡半生心欲令惠  
及生民遠須道仁同此水深聖母慈靈昭往  
古高顯崇號重來今登祠拜罷秋無際目極  
西成萬畝陰

金

元好問

遺山人翰  
林制誥

夢裏鄉關春復秋眼明今得見并州古來全  
晉非無策亂後清汾空自流南渡衣冠幾人  
在西山薇蕨此生休十年弄筆文昌府爭信

太原縣志卷六

四

中朝有禁囚

晉溪

石磴雲松著色屏  
花汀草展江亭青  
徑疊甃通懸甕  
白玉雙龍掣  
迅雷地脉何嘗間  
今昔尾間真解泄  
滄溟乾坤一雨風  
塵了好就川妃問  
乞靈

過晉陽故城書事

惠遠祠前晉溪水  
翠葉銀花清見底  
上下西

山如掛屏鬱鬱蒼蒼三百里中原北門形勢  
雄想見城闕雲烟中望川亭上院今古但有  
麥浪搖春風君不繫舟山頭龍角禿白塔一  
摧城覆沒薛王出降民不降屋瓦亂飛如箭  
鏃汾流決入大夏門府治移著唐明村只從  
巨闕失光彩河洛幾度風烟中東闕蒼龍西  
白虎金雀觚稜上雲雨不論民居與官府仙  
佛所廬餘百所鬼役天財千萬古爭教一炬

太原縣志卷六

五

成焦土至今父老哭主夫死恨河南往來苦  
南人鬼巫好機祥萬夫畚鍤開連岡官街十  
字改丁字釘破并州渠亦亡幾時却到承平  
了重看官家築晉陽

故城道中

郝侯進太原人

郵亭南北厭飄零尚喜揚鑿過故城桐葉不  
堪追往事泥丸猶足見民情青山閱世幾興  
廢白塔向人如送迎佇立夕陽無限思西風

禾黍動秋聲

自白雲歷石甕至明仙黑道人飲

高都趙可

高平人翰  
林學士

白雲下明仙崑路縈九折僧屋未離人西崦  
頗孤絕萬株倚空青雙壁似天闕幽懷愜泉  
石高行在翹檠道人唱山歌擊竹為之節翩  
然兩珠袖雅鄭輒問發殘陽逼歸鞍悵與清  
境別今宵晉溪夢蕭灑掛林樾

太原縣志卷六

六

晉溪

姜彧 按察使

東風裊裊駐吟鞭適意山光水影前我欲頻  
來休我厭塵纓時復濯清泉

夕陽林影水中深水色山光四座侵獨倚危  
欄誰會得數聲幽鳥伴人吟

山林朝士兩茫然醉裏溪聲攪醉眠落日西  
山呈畫樣一雙白鷺點蒼煙

祠前花柳障紅塵祠下清泉一派分老去宦

情如嚼蠟買舡閒釣五溪雲

浣溪沙二闕

方丈惟空瞰碧潭潭光山色靜相涵開軒千  
里供晴嵐流水桃花疑物外小橋烟柳似江  
南挽將風月入醺酣

山滴嵐光水拍堤草香沙暖淨無泥只疑悞  
入武陵溪兩岸桃花紅日出四圍高柳到天  
垂一尊心事百年期

太原縣志卷六

七

鷓鴣天

滿谷瀟瀟落葉黃繡衣驄馬駐平岡一川野  
色迷秋色四面山光接秣花作陣酒為漿晉  
祠風物正重陽慙慙留住皇華使同放乾坤  
入醉鄉

一代衣冠共勝遊晉陽祠宇若為酬溪山影  
裏聯金勒簫鼓聲中倒玉舟蒼壁秀錦屏幽  
流連一醉也風流生平適意能如此不信青



青兩鬢秋

白髮催人老光陰一擲梭塵埃臨水少風雨  
傍山多世路羊腸轉春風馬耳過勞心成底  
事尊酒惜蹉跎

僕王立

高昌人肅  
政廉訪事

訪古晉溪水曉集汾水橋星河沒慘淡野色  
見平遙樹鳥啼冥冥塗馬鳴瀟瀟游車接飛  
蓋駕言修禊朝荒城忽已迥遠橋如相招振

太原縣志卷六

八

衣投林立浥露濯塵囂澗壑綠檜原隰散紅  
桃敞殿羅幢幡虛庭雜牲醪逶迤廣寒宮獻  
酬清臯境勝地亦美心悅神自超法鼓青山  
巔仙家白雲標極留不可暫鶴唳天風高

極目翔原晉代丘剪桐封弟自成周興亡不  
鎖山河固今古惟搬歲月流遠樹似招行客  
至高風猶記昔賢遊徘徊坐對松林晚萬壑  
奔泉響碧秋

木蘭花慢

天來李曾

憶蘭亭佳致從憲長追尋問開化高山晉祠  
流水誰是知音雖無鳳笙龍管勸行裝時有  
不絃琴馬首家明月眼前處處禪林一觴  
一詠暢懷襟塵世任浮沉甚莫論興亡休爭  
人我且樂歡心韶華豈能長在又斜陽西下  
暮雲你好袖東風歸去春宵一刻千金

南張執中

太原縣志卷六

九

剖符錫壤厚彝倫戲剪梧桐本至仁善動靈  
源滋稼穡濟時甘雨壽黎民興安殿老令淳  
素環翠亭高隱靜真自古山川司造化歆推  
寰宇被陽春

聖母祠前禱雨

字木魯翀

翰林編修  
延祐戊午

天冽雪雷陰寒松聖母祠前可鑑容水利萬  
家豐稍畝山林千古壯桐封司炎政霄連雲  
稼使憲情深望雨農一灑甘霖遍寰宇泉關

潭起抱珠龍

題汾東王

掌文握瑞既符天宗子維城足尚賢功在生  
靈報君父禮宜尸祝配山川喬雲色映三農  
壤時雨神通萬斛泉幸與諸公謁祠下令人  
長嘆劑桐編

泉流琮琤玉沫香稻塍歷落卦齊疆山頭雲  
氣能媒雨木杪風聲凜孕霜神漢有靈凝沅

太原縣志卷六

十一

灑客纓無垢得滄浪不須對境譚今古聊詠  
新詩送夕陽

河東此地建神宮山色依然水向東封號尚  
傳周盛典遊觀不變晉遺風一渠道院滄浪  
畔幾族人家杳靄中間說歲時多祀禱錦衣  
光照畫橋紅

曉隨騶從謁靈宮杲日初升殿角東分水塔  
高歸急溜望川亭古起悲風閒看鉄樹臨祠

下倦采青蘋向沼中清興滿懷歸未盡吟鞭  
指處夕陽紅

廟門高敞倚長松日照珠簾見聖容金榜大  
書新賜額寶幢微號舊袞封軒裳接踵來遊  
客牲酒充庭拜老農我欲枕溪營傑閣直宜  
高處掛元龍

晉溪

小倉月 太原僧

靈神金闕斗牛寒百谷雷霆吼石泉兩股春

太原縣志卷六

十一

波楊柳月一簾花影鷓鴣天神仙境界唐虞  
日錦繡江山汾晉川醉袖碧雲來著脚一聲  
樵笛古岩前

削桐宮殿古溪泉寰海聲高利濟全曉日僧  
鍾雲外寺晚山漁笛浪頭舡三秋白雁蘆花  
雪二月金鶯楊柳烟野老石橋驢背上人家  
村落錦屏前

靈祠金壁水雲間澤國蘇民玉一泉幾點白

鷗紅蓼岸渡頭烟月洞庭舡

題太原古城次楊中書韻

警蹕春光過禹湯傷心却作戰之場青天痛  
與榛添色紅日爭知草闢香汾水嗚咽哀古  
道晉山愁慘立斜陽何如不管興亡事稚子  
輕鷗楊柳塘

古城夕照五

百雉并城掃地空荆榛禾黍動秋風傷心虎

太原縣志卷六

十二

踞龍蟠地汾水青山夕照中

斷垣寒草古并州雲自高飛水自流戰馬將  
軍何所在一聲鴻鴈夕陽秋

京畿踪跡久荒涼白塔西風犬吠忙空濶碧  
天雲幾點人家籬落半斜陽

廢址雄并古帝鄉踈籬茅屋兩三莊淡烟幾  
縷橫萋草寒木西風撼夕陽

荒頽晉邑控潛丘野草閑花空自愁牧笛一

聲清嶂遠夕陽汾水向東流

太原城

汾流入海因從禹晉邑封名為剪桐要域九州參分野雄疆八卦冀坤宮漁歌江上竟天月樵唱山中舜日風道泰不聞刀斗令春蘭秋菊幾飛鴻

一城春色富河東萬古中州悉聽從地貴自然芝草出天高長是瑞雲封堤邊翠帶千株

太原縣志卷六

十三

柳江上青螺數十峯海晏河清無箇事畫樓朝夕幾聲鍾

晉祠

段成已

不到靈祠十五年水光山色尚依然京人莫說西湖好不漑民田漑福田

題明仙寺

彥齡

路轉花溪不踏塵仰天人語半天聞到門不計山重數但覺衣襟有白雲

晉祠

味菜

正統乙丑

雲根石竇迸寒瓊靈著芳祠古有文派出三  
渠聯脉絡澤分百里潤餘杭冷如玉井堪消  
渴清比滄浪可濯纓暫駐輶車一登覽此身  
何異到蓬瀛

林厚

潮陽人  
叅政

天仙自是喜飛瓊來主靈泉著令名懸甕有

太原縣志卷六

十四

山通細脉灌畦随地潤香杭味甘不讓中冷  
水色瑩偏宜孺子纓晉郎遊觀親灑翰品流  
此景勝滄瀛

楊儼

沂水人  
大同府通判封主事

立馬空堦日未曛好風吹動樹頭雲鳥呼人  
語千般巧水出山來幾股分紀勝敢誇詩草  
健放懽厭酒杯勤唐皇御製碑還在更拂  
莓苔辨古文

何喬新都御史

寶幢珠宇晉山陽尚有威靈鎮舊疆雪竇冷  
冷寒漱玉雲窓靄靄暖飄香分封翠葉猶堪  
剪同穎嘉禾久已荒欲福遺黎昭景貺物無  
疵厲歲穰穰

太山汾水舊山河晉問朝殘感慨多無澗綠  
蘋陳薄薦秋田紅稻藉餘波遺靈尚聳徒林  
兕瑞應空傳異壟未試問應韓今在否荒城  
寂寞沒寒莎

太原縣志卷六

十五

陳清益都人南京工部尚書

多道甘泉澄更徹瑩然默契老夫心天機滾  
滾窺無際地脉淵淵探益深潤澤羣生何浩  
瀚褒崇盛典自當今偶逢佳處留連久庭樹  
森森轉夕陰

鄭貞會稽人提學僉事

平生勝景慣曾遊此處登臨豁壯眸山障一



分聯北闕泉分三道灌西疇松聲瑟瑟風聲  
急秋氣清清溽氣收頃刻塵襟都滌盡恍疑  
飛步在瀛洲

王進 襄陵人刑部主事

活水芳塘光映麓澄心俗慮洗塵心洞藏九  
窟龍泉遠派演三分歲月深祀事從新還襲  
舊廟基無古不成今碑文剝落磨看久頓覺  
徘徊到夕陰

太原縣志卷六

十六

滕佐 蘭縣人副使

晉陽勝景最堪遊景物無窮入望眸  
山排遠漢淙淙流水溉平疇巖前花發春長  
在天畔雲閑雨乍收倚遍欄干情浩蕩塵囂  
不到類瀛洲

錢俊 崑山人僉事

王節南還勝地遊寒泉清徹逼雙眸松移日  
影龍盤砌麥撼風聲浪滾疇古鼎浮香煙不

斷層巒飛翠雨初收凭欄頓覺襟懷爽疑在  
蓬萊第一洲

孫昱 濟寧人  
右叅議

霜憲題詩紀勝遊我來登覽縱吟眸泉流夏  
玉清盈耳禾稻連雲綠滿疇臺殿崑崙晴更  
好烟霞繚繞晚初收天空夜靜銀蟾吐宛在  
蓬瀛第一洲

朱鑑 晉江人副  
都御史

太原縣志卷六

十七

善利清泉潔似瓊靈祠勝迹古今名奔流大  
海從銀漢漫溢良田浸玉杭九夏晴瀾拖素  
練三冬瀑布綴珠纓停驂坐久消煩暑何必  
尋山問島瀛

楊澄 四川人  
都御史

憂旱如燠柰若何一心虔禱誓無他救時如  
肯施甘雨廟食人間永不磨  
汨汨靈泉不斷流一方仰給荷神休敬來謁

廟無他祝願化甘霖遍九州

王盛 河西人 叅政

登臨莫笑策駑駘尋見宣尼道體來地吐龍  
涎一本出渠伸虹氣萬殊恢居岷畏迫三冬  
雪過客驚聞一月雷歲旱代天作霖雨溪泉  
亦有濟民才

持節追蹤太史公旁觀瀑布喜葱葱源頭活  
水來從此枝派分流去向東白練兩條掛岑

太原縣志卷六 十八

外銀河千丈落空中滔滔晝夜知無息終入  
滄溟化浪風

遊晉祠回文詩 徐演

停驂喜徑度香風疊疊雲山四望同亭列殿  
巖分小大路開橋駕各西東靈祠古栢蒼岩  
聳異境清泉碧海通形勝覽碑高拂袖冥冥  
潤物顯奇功

雷霖 關西人 提學副使

琮琤滾出浪痕圓感化玄機未易溥想是源  
通山下海看來氣透地中天清香已代千家  
井羨利從滋萬頃田靈貺於昭留古跡褒章  
燦燦祀綿綿

題晉祠泉

沈杰

姑蘇人  
左叅政

道體本無相見此混混泉歲月有代謝千古  
常浚浚血食廟已久駿奔非貌虔倏忽運神  
化疑是蓬萊仙黃屋捲沙礫分溉禾麻田幹  
旋豈人力感茲山林賢窮碑載往事兩場時  
或愆思霖動

天子四海登豐年

題善利泉

石玠

藁城人  
學副使

三十年前看善利重來亭館尚依然止淵出  
壑如奔馬霏雨臨階若瑞烟東近虞祠春草  
合南衝唐刻古碑全不須更向山經較三晉  
當為第一泉

題難老泉

難老西存善利東雙亭屹立古今同何人鑿  
穴當平地造化司權有上功不直膏腴沾百  
里曾聞靈秀出群公塵襟渴臆年逾甚欲借  
餘波一洗空

過晉祠訪儒士王朝立次壁上韻

曾大有麻城人提學副使

漱玉源頭知化本寒芳花底見天心鶴胎巢

太原縣志卷六

廿一

穩雲松老燕尾流分畝洫深有國叔虞封自  
昔降神山甫盛于今嚶鳴何處聲求友黃鳥  
飛飛灌木陰

遊晉祠六首

喬宇

樂平人少保吏部尚書

鸞從如雲貌儼然盤龍丹柱勢蜿蜒神棲樹  
老千年後御製碑存五代前勝日壺觴遊雜  
遯清秋簫鼓賽喧闐張華博物曾經否合作  
并州第一泉

漠漠郊原盡甫田封疆猶記剪桐先春遊正  
值月三五秋獲應歌歲十千祠外古陂連鶴  
埵地中靈液閔龍淵膏腴不減江南勝誰向  
藍田詫輞川

三晉民風歷歷求停車還愛北山幽東周太  
史慚司馬南國詩人笑宛丘唐叔城邊供夕  
眺女郎祠下及春遊垂楊面面皆流水祇欠  
漁翁一葉舟

倒折溪流北更東經過閒試舞雩風簾櫳歲  
久分巖翠蘋藻春深采澗紅萬井人家開沃  
野千秋神廟枕高空尋源欲續汾西志已入  
宗元晉問中

澗底清泉曲曲流鳥聲時送竹窓幽花前野  
坐憐芳草川上閒情對白鷗醒酒石涼堪伏  
枕繞簾山好怕垂釣江鄉樂事寧過此不用  
茗溪畫裏求

西山蒼翠出清泠肅肅神功夜不扃千古岡  
巒依允域一方雲雨幹坤靈鞭龍地迫潭常  
黑澤物功多稼正青景旣如斯堪廟食磨崖  
頊為勒吾銘

次太常白巖喬先生韻來天球

蕭山人  
僉事

懸甕山高望屹然汾河山外勢蜿蜒月籠聖  
貌開天表風散墨花落慈廟前龍鳳有文碑燦  
爛子孫頻禱像駢闐更聞歲歲西郊利都屬

太原縣志卷六

三

神功地湧泉

綠野清溪枕石田太原佳景此為先香芹出  
水春過半老栢擎空歲閱千鶯惜金衣啼遠  
樹魚拋玉尺動深淵齊民衣食渾無賴望裏  
桑麻念穎川

覽勝何由到海東鷺車先試一溪風長橋苔  
映槐陰綠方沼波涵日影紅對景便宜三雨  
至憑高頓遣六塵空灑纓更有滄浪水應帶

清聲入夢中

佳水佳山夢寐求  
晉陽風景晉祠幽  
千秋古廟存唐叔  
白雪清泉勝虎丘  
靜裏身心聊自適  
坐來魚鳥得同遊  
紫晶石室雲中見  
還借山翁竹葉舟

松栢春深翠欲流  
山林塵遠景偏幽  
也知浪迹江南客  
豈似忘機水上鷗  
得句漫題濡草筆  
傍溪閑坐試魚鈎  
眼前風物渾如夢  
誰為

太原縣志卷六

廿三

浮名分外求

隔林風籟聽泠泠  
松落長林殿若扃  
百里龍蟠山敵秀  
一方人傑地鍾英  
春深水漾平時畦  
綠晚霽雲開遠岫  
青最愛緩行踈散地  
又逢僧誦息心銘

同地官高汝行遊晉祠和韻

周宣

莆田人  
學副使  
提

登山已是春歸後  
覽勝初償客裏心  
雙澗躍



來秋鏡冷萬夫耕處綠雲深山前絃誦連晨  
夕祠下牲醪自古今吾為吾民乞靈貺辨香  
還寄殿松陰

并州道中

王正美

從軍無住計近臘塞門行風勢面裂凍粘髭  
咳有聲太陽過午暗暮雪照人明馬上聞吹  
角依依總漢城

太原春日郊行

楊基

姑蘇人  
按察使

太原縣志卷六

廿四

屐篋車輪更馬蹄綠莎隨處踏成溪無人為  
惜閑花落有暇來聽好馬蹄步屨愛沿流水  
曲襟懷高與衆山齊詩成誰復吹簫和却向  
藤蘿石上題

晉陽

謝肅

節彼懸甕山晉水出其址澍澍湜方塘注注  
盈畝畝浩浩汾河流東行何迤邐叔虞受封  
地汾晉環左右維城屏宗周貽謀至孫子胡

為封曲沃自使絕人紀  
兵戈日強大創伯在  
重耳悼公紹餘烈  
王室暫寧止區區隋家帝  
宮宇極華侈于焉啓唐祚  
天運不可擬家來  
遊冀方斯境屢淹滯  
慷慨懷古心中夜不能  
寐

平晉道中

并州為客歲將晚  
古道騎驢思惘然  
短髮數莖先自化  
遠書一紙倩誰傳  
羝膾白草汾東

太原縣志卷六

廿五

野鴈出黃蘆代北天  
浩蕩歸懷禁不得  
潮山明月幾回圓

晉溪

史士舉榮澤人

小橋流水竹蕭森  
竹裏人家一徑深  
只欠東風小籬落  
梅花踈淡月籠陰

晉祠禱雨

楊憲叅知政事

傍天山勢伏龍形  
湧出靈泉碧玉清  
安得天瓢分一滴  
大施甘雨濟蒼生

祝顥長州人  
左叅政

晉源佳景古今傳風物依稀似洞天明月滄  
波疑洛浦夕陽紅稻訝吳田仙家樹影嵐光  
裏村巷鷄鳴犬吠邊剪葉疏封誰復問神祠  
簫鼓自年年

晉溪流水

溪水如碧玉涓涓出晉祠臨流觀不厭高詠  
謫仙詩

太原縣志卷六

共

汾河晚渡

斜日殘波急扁舟西復東行人來徃便誰識  
濟川功

古城夕照

寥落荒城裏寒烟蔓草長時應懷古客來此  
步斜陽

蒙山曉月

高山風露微月轉西峯小茅店未開門鷄鳴

海天曉

晉溪流水

張頤太原右衛人  
工部右侍郎

唐叔祠前溪水碧  
泉湧頽波挾崖石  
一泓清溜瀉寒聲  
千載居民仰靈澤  
小小渠平古殿涼  
西風十里稻花香  
剪桐遺事今猶昨  
血食如何祀女郎

汾河晚渡

山脚落日千林紫  
渡口歸人簇如螿  
中流軋

太原縣志卷六

七

軋櫓聲清沙際紛紛  
鴈行起遙憶橫流  
遊幸秋當時意氣誰能  
傳樓舫簫鼓今何在  
紅蓼年年下白鷗

古城夕照

晉陽自古稱嘉麗  
舞榭歌樓絃管脆  
繁華富貴一朝空  
獨有斜兒在天際  
淡烟衰草殘霞中  
離離禾黍生  
故宮牧童下山香  
徑靜白楊無數號西風

蒙山曉月

伊喔鷄聲天漸曉  
山嶺巍巍殘月小  
寒光旋逐曙光微  
桂影潛隨人影杳  
霞落風清角韻頻  
輪蹄多少在紅塵  
堪嘆道上名利客  
寧識窓前飽睡人

晉溪流水

吳啟  
晉府官

晉代興亡事已休  
尚留踪跡付溪流  
潤生香氣因蒼落  
清拂寒光為月浮  
千里來從山澗  
碧一枝分出野橋  
幽觀瀾已解源頭  
意雪夜何須獨泛舟

太原縣志卷六

六

蒙山曉月

烟寺鐘聲出薜蘿  
一鈎殘月掛天河  
乾坤明處影偏淡  
風露曉來寒更多  
樹色漸看青掩映  
山形微見碧嵒峩  
清虛意象此中識  
誰解愁人夜氣歌

晉溪流水

李斌  
鳳陽人太原左衛千戶

兩岸青山映碧流依稀風景是瀛洲  
光浮河漢渾無際潤及田疇屢有秋  
地引泉源千里去人携穀核四時遊  
豪吟我亦曾來此弄月閒披紫綺裘

汾河晚渡

劉孔明南昌人太原縣教諭

汾江一水浩無涯傍晚江邊笑語譁  
待渡馬羈堤畔柳喚船人立岸頭  
沙櫓聲遠逐中流急帆影輕隨落日  
斜記得醉歸延佇久幾家烟樹集昏鴉

太原縣志卷六

九

古城夕照

黎浩高安人潞州學正

孤城獨上思依依千載遺基對落暉  
帝輦不來秋草沒女墻猶在暮鴉歸  
山河錦繡園屏近禾黍高低隴斷微  
懷古更堪吟眺久西風零冷欲沾衣

明仙寺

王瑄邑人通判

古寺尋僧入碧山東雲高步數層巒  
清幽

鳥槩中聽老樹巔  
峯盡裏看磚甃  
幾年龕尚在碑鏤  
千古字多鏤  
嬉遊未徧祇園景  
凜凜松風午晝寒

昊天觀

出郭西行路幾彎  
崎嶇石磴躡崇山  
烟籠柳色增春色  
日爍蒼顏映客顏  
今古興亡歸品藻  
河山蒼翠自回環  
傾杯且盡登臨趣  
贏得人間半日閒

太原縣志卷六

三

惠明寺

盧儀四川人御史

景仰禪林號古岑  
幽玄不受半分侵  
一燈照破逃禪夢  
五鼓敲殘入定心  
鶴止徑松聽佛法  
龍蟠寶塔吼鯨音  
徘徊四顧多碑記  
洗眼爭看次第吟

憶晉祠風景且以致望雨之意

于謙

錢塘人  
都御史

懸甕山前景趣幽  
邑人云是小瀛洲  
羣峯環

聳青螺髻合澗中分碧玉流出洞神龍和霧  
起凌波仙女弄珠遊願將一掬靈祠水散作  
甘霖遍九州

晉祠禱雨曉行

曉行數里未天明路繞汾河聽水聲斜月帶  
星橫遠漢清風傳漏振殘更中心但願靈祇  
格遠道何須父老迎好挽銀潢作甘雨溥沾  
萬物潤蒼生

太原縣志卷六

世一

太原道中曉行

星稀月落曉風清猶聽鷄聲報五更山勢平  
吞沙漠境河流曲繞晉陽城天涯何處尋歸  
路野景無邊動客情車騎縱橫皆故道不須  
候吏遠逢迎

晉祠

沈鍾金陵人提學副使

泉脉涓涓山下出試嘗一酌頗怡心聲傳澗  
口清何極色映苔蒼綠更深難老題名原自



古觀泉賡詠始於今濯纓歌罷憐分首立馬  
踟躕亂樹陰

屈曲流泉清見底蒼苔白石印波心意念曾  
點遊方數較比莊周興轉深廟號晉祠還似  
古碑題貞觀到于今夕陽忘却東歸路不為  
流連綠樹陰

司馬堊

山陰人  
行人

難老靈泉真可愛同遊何幸更同心亭中瞰

太原縣志卷六

世二

井知源遠橋上觀魚得趣深流派有分清與  
濁化機無息古猶今超然會意寧辭去背倚  
西山日半陰

西晉靈泉清徹底東風下馬滌塵心謾論

先帝褒崇重應是斯民感戴深翠草長生寒  
復暑青山不改古猶今使歸得暇還來賞懶  
散形骸坐夕陰

胡希顏

乾州人  
食事

我來立馬謁祠下  
祠下雙泉碧悠然  
活水有源藏至理  
雲根無底妙通玄  
寒波擁出千層雪  
暖液沾足萬頃田  
雲漢有章憂旱魃  
此中不復更祈天

晉祠勝槩傳千古  
過此寧無適興心  
空曠野橋流碧  
巉岩怪石鎖苔深  
殿前花木多興廢  
碑上文章自古今  
一拜冠幘春正好  
黃鸝飛下野堂陰

駐節雄祠訝往還  
古今遺跡幾多年  
重陽滿徑東風細  
芳草連天帶雨鮮  
萬里鄉思來醉眼  
一心無累入吟篇  
明公大手留題後  
愧我無能着祖鞭

王崇慶

開州人  
副使

晉祠烟樹裏  
村落故依然  
瘦馬倦行役  
空橋分細泉  
桐圭還自信  
香火任人傳  
客思驚秋雨  
蕭蕭入暮天

晉祠

王勉

蘇州人  
左叅議

湯湯聖水只朝陽千古源流護晉疆春色放  
開楊柳綠露珠滴盡藕花香戲言天子今何  
在愛國人臣事已荒只欲年年多雨露四民  
翹首賀豐穰

我朝封建晉山河天下都輸勝槩多

太祖劈山新氣力周成剪葉舊恩波玄壇會

太原縣志卷六

卅四

見開桃杏聖水應能熟稻禾足馬西風行步  
處綠楊猶蘸煖烟莎

晉祠和壁韻

陳鳳梧

廬陵人  
提學副使

誰剖懸甕崖迸出雙穴泉出山或隱伏列此  
方潏潏晉祠挹其秀香火罔不虔唐侯古名  
碑世久疑其仙遺澤尚在民潤滋千頃田碑  
名自貞觀題詠紛前賢有禱諒斯應雨暘恒  
無愆帝力我何有擊壤歌堯年

塵車鞅掌無虛日一見清流豁此心萬頃芙  
渠飛雨亂兩行烟樹碧雲深剪桐封號應從  
古勒石碑文直到今最愛東風芳草綠重簷  
復道晝陰陰

太行頂外飛泉出兩竅潛通造化心習坎真  
通天不老濟民應與海俱深風雲有態時開  
闔宇宙無言自古今枕石臨流不知倦夕陽  
飛鳥亂山陰

太原縣志卷六

廿五

熊翀光州人尚書

雙泉湛徹西山麓盡日徘徊老子心天上巧  
將銀漢轉人間浪說螭龍深潄浚不盡空惆  
悵晝夜無停自古今前代有文褒勝事幾多  
名宦勒碑陰

楊文卿浙江人提學副使

一亭霽景此登臨亭下泉幽見客心曲澗轉  
來隨處滿方池分出幾泓深長流共訝源從

古細玩誰知樂只今咫尺又驚風雨至老龍  
噓氣已成陰

六月泉亭暑不侵青山倒影落波心一源天  
上來方細萬派人間去轉深照見客懷清是  
古洗開塵慮濁非今躊躇未去意無事橋下  
蒼松午送陰

泉靈應許我重臨故放重光照我心落澗笙  
簧松響合沿涯隸篆蘄文深半區晉業傳來

太原縣志卷六

廿六

古一派唐風流到今欲向殘碑尋往事水禽  
啼晚隔蒼陰

兩泉亭下費幽尋欲寄平生不競心松葉浮  
香依澗轉苔苔合澗上堦深靜涵星漢分高  
下流盡年華變古今倚遍石欄歸騎晚漣漪  
送盡半山陰

汾河魚

謝肅

汾河魚人不食魚躍魚潛魚自得未逐雲雷

飛上天水濶波長渺無迹寧知公子江南來  
聽客劍歌聲正悲即抱釣竿臨沮洳掣得鯉  
魚長尺許斫魚為羹甘且鮮神物僅可收饒  
涎嗟爾魚乎胡不掉尾而遠逝倉卒乃為香  
餌製人生出處宜慎諸君不見汾河魚

晉祠

孫博景州人山  
西僉事

古廟巍巍棲聖母源泉混混見天心雷車誰  
借三更後龍窟難窮萬丈深上善威靈通宇

太原縣志卷六

七

宙累朝封號重當今應知逝者如斯訓我輩  
寧忘惜寸陰

雷霖開西人提  
學副使

鱗豸傳來金殿香叔虞祠宇倍增光泉從地  
上翻珠玉樹向天邊插棟梁萬里雲山瞻內  
相一方民物待都堂椒漿首罷咨吟吊到處  
鶯聲雅奏簧

劉大尹邀遊晉祠次韻二首

晉溪王瓊

邑人少保尚書謚恭襄

山城西去未十里風景翛然趁野心古寺樓  
臺行處近前村煙火望中深閒情自可忘聲  
利世事何勞問昔今珍重吾邦賢令尹四郊  
春雨布棠陰

幾年夢憶家山景此日重遊愜素心匝地溪  
泉雲氣爽一川花柳野陰深幽懷壯歲還同  
少樂事何時可比今作主况逢劉晏在不妨

太原縣志卷六

卅八

傾倒醉松陰

晉溪別墅

家山誰用買山錢竹塢當溪亦勝綠菡萏池  
通蘋葉水垂楊門俯稻花田烟霞拍塞藏詩  
索鷗鷺將迎載酒船我已得歸寧更出北庭  
休勒草堂篇

崇福田莊

小雨纔收煖更晴筍輿輕度碧沙平塍間有

地皆流水寺外無山不繞城蒲茁炊香晨饌  
美藤枝翻影午樽清會須盡滌京塵浣更待  
他年結攬成

唐叔虞墓

李鑑

濟寧人  
御史

叔虞當時葬有丘馮軒回首憶成周絕憐世  
變浮雲盡無邨年驚逝水流歌鳳已曾甘遠  
引泣麟亦不愛周遊孤懷落日無人會野草  
蕭蕭又晚秋

太原縣志卷六

廿

寄題王內泉曲莊

文徵明

長洲人  
翰林待詔

五原南下勢迴環汾晉風烟萃此間見說名  
園依綠水還開別墅占青山春風把酒林花  
發落日憑欄倦鳥還蔭茂濯清幽興足盡輸  
高士百年閒

王大叅德華約遊晉祠

周經

陽曲人  
禮部  
尚書謚文端



山鍾淑氣水通靈廟祀憑誰肖女形利澤流  
分千頃綠危峯挺出四時青松楸材羨還資  
用碾磨機竒好入銘我欲尋源問難老可能  
一勺製頽齡

昔年曾此駐吟鞭草樹烟波入望妍老去尚  
能矜矍鑠歸來偏是愛林泉况同梓里良朋  
賞更羨薇垣故吏賢絃管雖雖催客醉都將  
好景入詩聯

謁唐叔虞祠

宗姓當時豈剪桐有元碑石獨穹窿却憐廟  
貌衣冠古不與靈源祭享同德澤豈無霑晉  
土儉勤亦必守堯風夕陽老木寒鴉集都入  
行人感慨中

登映月樓

喜同佳客作佳遊謁罷神祠更上樓千里河  
山清氣萃萬區禾稻綠雲稠共憐䟽傳能常

醉不謂靈均尚貯愁老眼摩挲東北望長安  
何在白雲浮

留題天龍洞

山靈扶我看瑰竒直上崇巔拂古碑雲影低

遮黃石洞

閣東西皆有洞

泉聲清逸白龍祠

閣左有白龍神

廟廟下有泉

隋朝寺紀開皇歲齊主宮存避暑基

閣下有高齊避暑宮遺址

吟倚曲欄生慨嘆悠悠塵世幾

興衰

遊晉祠觀難老泉

王鴻儒

南陽人南京戶部尚書謚文莊

一泓俯幽深疑有蛟龍卧却立不敢窺况敢

輕一唾瀉寶玉珂清入村羅帶浣涯空或通

海流駛可旋磨下漑稻千頃旁闕竹萬箇行

旅藉飲濯居人免寒餓崖刻半剥落石路時

坎坷林霏滯行程山風牽睡課俯觀魚鱉遊

仰乏燕雀賀豈伊道士貧母乃令長過右顧

十畝塘西有百重  
邏恨無擇勝亭與客同倡  
和何當行役休遂此股肱情得與二三子終  
日臨池坐

謁晉祠喜重脩功成

黃洪毗

莆田人御史

晉陽城外甕山邊  
唐叔遺容尚儼然  
繞殿流雲低拂樹  
懸崖噓霧曲浮川  
碑橫斷草傷遺事  
廟刻新楹憶往年  
桐葉驚風無數下  
還疑

太原縣志卷六

四三

戲剪玉階前

登太原城

舒鵬翼

四川人布政司檢校前御史

傍麓臨溪過晉陽  
高埠登眺舊封疆  
當年樓堞浸汾水  
此日旌旗覆女墻  
保障尚思追尹鐸  
風流豈肯效稽康  
週遭閱罷頻搔首  
誰總元戎控朔方

戊子歲臘日王乃賢約遊天龍留題

白巖喬宇

樂平人少保吏部尚書

歲晚天龍洞裏行千崖積雪炫瑤英擎雲似  
奮蜿蜒勢出霧先傳噴薄聲境勝林巒開紫  
翠巖幽臺殿鑿空明華句曲多相類不及  
江南早著名

空門沙島踏雲行為憶鄉僧有夢英

僧古潭者禪行

可取矣燦燦曇峇澄水色蕭蕭木葉下溪聲  
病餘辭酒心方寂閒裏看山眼倍明兩具盤  
蔬供野饌架袋休問客何名

太原縣志卷六

三

曲莊次文衡山韻

王朝立

邑人右軍都事

群峯矗矗遙周環草閣正當清瀨間花無飄  
泊赴春水樹復老瘦如秋山林深不辨世今  
古地僻自無人往還披緘愛詩亦愛意日日  
小窓相對閒

觀文衡山詩畫次韻

竹根寒溜淺浪浪片景圖成似楚湘白裏情  
棕那可盡筆端立怒政難忘書回汀鴈春雲

地興出淞魚暮兩鄉池上結亭今寶繪桂櫂  
蘭橈偉兒郎

晉祠次遺山先生韻

平壤西窮接萬屏水烟濃處鬱雙亭腴流稻  
壠無甘雨響入苔溝東怒霆短策自便吾梓  
里斷碑誰識古桑溟勞勞鉛槧功何補慚愧  
谿山孕毓靈

晉祠漫題

太原縣志卷六

四

臺駘遺廟古參墟泉石依然畫不如家似朝  
川非卜築舟同剡曲可通漁半林寒吹秋聞  
玉一榻閒雲畫枕書老向鄉園常抱甕更從  
何地賦歸歎

奉同白巖喬公遊天龍寺二首

澗邊修徑幾行行常遡春流數絳英三宿飽  
曾甘蕨味五年來忽詫松聲壺觴歲晚天紆  
煖燈火更深月避明擬借禪房分一榻野僧

攀引共逃名

列騎穿林小隊行  
煌煌飛蓋出玄英  
星辰暫下尚書履  
村巷真傳宰相聲  
雪乳冷沾斑管潤  
嵐光齊護錦衣明  
却憐百尺磨崖字  
也許山人寫姓名

遊晉祠

趙廷松 樂清人  
僉事

清泉白石映虛堂  
柳葉桃峇三月強  
紀勒尚傳唐歲月  
山川應識晉封疆  
村田十里鳧魚

太原縣志卷六

五

亂野澗雙流  
芹藻香擬集蘭亭  
詩酒伴水雲  
深處共傳觴

曉渡汾水將赴晉祠告成

蘇祐 濮州人  
都御史  
巡撫

簫鼓渡方舟  
旌旗夾岸浮  
山明汾曲曉  
雲白晉祠秋  
桐葉飄宮井  
蘋荇薦酒甌  
願言崇報祀  
不是重遨遊

太原臺中卽事

返照橫烟暮高臺發興頻輕雲將作雨殘暑  
故隨人座擁新秋色城依古水濱晚涼風更  
起獨岸小烏巾

邑中諸大夫邀讌晉溪太傅別墅

懸甕山前路乘輶兩後來嘉禾歌萬寶崇構  
上孤臺饌熟香杭入堂深綠野開昇平原有  
象共醉紫霞杯

晉祠曉望

太原縣志卷六

四六

四圍蒼翠倚秋空霞彩烟光曙色通池水欲  
搖蘋藻日溪亭先散稻荅風摩娑金石珎唐  
帖指點川原說晉宮謾擬鏡湖乞賀監願祈  
豐歲萬方同

望東莊贈高憲副

歧望東莊近幽深似輞川平田白鷺下曲徑  
綠雲連避俗林和靖談經漢服虔懸車何太  
早應戀此林泉

遊天龍洞寺二首

王朝翰

邑人錦衣正千戶

千年古閣臨崖壑臺殿巍巍近泰澄偏袒誦  
經夜擊鼓毘盧拜佛晝燃燈龍潭雨霽泉如  
沸山頂雲陰氣似蒸若問化城佳致處煙霞  
深隱樹層層

次壁間韻

幾度尋幽向此行招提花正吐奇英月籠臺

太原縣志卷六

畫六

殿高低影風送松杉斷續聲石洞閉時僧入  
定龍湫深處水偏明城居多少紅塵客誰肯  
山中道姓名

觀晉祠三靈池

陳棊

鄆陵人給事中提學副使

鑿開原是巨靈神展禮嘗停過客輪渠堰亂  
分疏鳳尾溝塍斜界疊龍鱗晴雷磴下喧霜  
夜蒸霽橋邊起雪晨欲問波濤歸宿處更看  
滄海浩無津



晚宿甕嶺寺曉尋唐叔祠桐剪一言重瓜分  
三晉悲山川存古昔征伐困瘡痍拂罷殘碑  
蘇登臨動遠思

晉祠觀難老泉

受菴周滿

四川漢州人  
山西右叅政

曲閣臨池起長橋跨水行紫苔新淥湛綠篠  
細漪明寒逐山雲暝春隨殿影生蒔苗滋潤  
遠集務鳥漾波輕迥碧搖芝蓋流光濯使旌桃  
花迷舊隱桐葉侈新楹莫辯瑤琴曲難逢玉  
佩迎纓清緣潦潔襪淨為波澄耿耿流長脉  
盈盈制手巨鯨寧懷投局志空有羨魚情濯足  
滄浪晚高歌烟霧橫

晉祠

鹽山楊文卿

稷山縣知  
縣

甕山山下路塵緇不謂清流有晉祠雲碓亂  
衝香稻粒石崖斜掛老松枝頓飛博望乘槎  
興潛和湘靈鼓瑟詞共樂我無魚鳥分獨蹇  
碧藻薦瑤卮

晉祠

張梯陽曲人戶部郎中前御史

藻梳唐祠古桐圭晉壤分千家斜日雨萬井  
晚秋雲山色堆螺蠹泉聲落珮聞歸棲安樂  
土買壑事耕耘

天龍寺

穿林遙送目入洞共披榛問舊僧誰在驚時  
鳥自春名山多古寺塵世少閒人病後憐幽  
寂辭家學養真

太原縣志卷六

七

太原懷古

獨上山城思寂寥英雄千古恨難銷鳴蛙尚  
產居民竈驚馬空留義士橋齊洞僧歸雲井  
井漢宮人種兩蕭蕭堪憐此地多離亂莫向  
明時負酒瓢

東庄草堂宴集

水村山墅草堂開偏稱幽人日往迴白雪共  
憐歌楚調黃金誰肯築燕臺山陰風雪頻移

棹洛社衣冠數舉杯天下蒼生望安石主人  
元是濟川才

登龍山

潘高

寧化人陝西  
參議

懸甕山臨汾水西白雲縹緲護璇題亂花零  
露迷幽徑高柳籠烟覆大堤鴈字橫斜陳碧  
落鷺田高下枕清溪忽驚塞外傳烽火起舞  
還將寶劔携

古城懷古

太原縣志卷六

四八

高汝行

邑人浙  
江副使

晉陽城郭忌商參古迹依然尚可尋保障瓜  
分韓魏趙彈丸虎噬宋元金空壕落日牛羊  
下故壘秋風草木深前代繁華何處是惟餘  
古塔倚雲岑

脩唐叔虞祠

剪葉封侯自有唐魏祠竝立甕山陽千年血  
食存陵墓歷代褒崇號帝王蘋出清溪香可

薦苔生敗壁亭堪傷祠前下馬觀風使廟貌  
重新晉水光

登望川亭

望川亭子廢何年遺址猶聞故老傳雲裏層  
層緣石蹬雨餘歷歷見平田參差樓閣青山  
外遠近村庄綠水邊愧我無能重建此攬衣  
登眺興飄然

天龍寺和韻

太原縣志卷六

四九

天龍自古稱絕竒曾見開皇四載碑幾縷雲  
烟迷佛洞千秋香火祝神祠挿旗柳子山留  
石避暑高歡殿有基作賦登高償夙志肯因  
途險嘆吾衰

脩唐叔虞祠

單希性 邑人知縣

疏封祚土始於唐國號更移本晉陽歷代褒  
崇存祀典居民仰止戴汾王故宮傾圮緣年  
久遺像重新可痛傷脩舉誰能興一念前賢

踪跡有輝光

善利亭和東莊韻

晉水淵源逝不窮  
別名善利擬成功  
溪歸陸壑千家惠  
派出龍山四瀆通  
八角有池清映栢  
一輪無滯浪穿宮  
重脩體制侏難老  
千古遊人嘆仰同

望川亭和東莊韻

望川亭廢幾多年  
登眺無人孰與傳  
離黍有

太原縣志卷六

五十一

誰悲故址蒼松無復映  
餘田嵐峯竝立青霄外  
莊曠模糊綠水邊  
千載重興堂此日落成  
把酒意欣然

讀書臺和東莊韻

危峯曾建讀書臺  
竝立雲霄逼上台  
鉛槧燈窓深夜奮  
牙籤書櫃趁時開  
林泉養就青雲器  
石室陶成冠世材  
躡躅構脩君子事  
功成携我上蓬萊

天龍寺

張冕 孝義人山東副使

谷合谿回山最幽寒雲深鎖梵宮秋玄崖風  
逐黃花落碧澗霜縈紅葉流門對虬松歌偃  
石殿圍龍栢倒撐丘梵王家法如如妙願聽  
經言石點頭

同東庄登北堰山砦

李騰霄 孟縣人知府

汾川西渡柳陰舟曲徑斜穿野寺遊月榭談

太原縣志卷六

五十一

玄訝五夜風亭對酌喜新秋崦巖古砦稱天  
險涓滴清泉伏地流聞道龍堂溝更好與君  
還上最高頭

仙岩寺

王珮 邑人錦衣千戶

出郭南行又轉西石田流水路高低夕陽雲  
影迷清眺始入仙岩駐馬蹄

閑居寺

幸借鴉鵲上翠巔萬花爭綻正鮮妍遙觀幾

里東南水一練長牽接碧天

天龍寺

遲遲春晝入山遊  
花柳爭妍供醉眸  
安得鄭虔敵三絕  
萬方清景到皇州

明僊寺次壁間韻

潤苔新雨洗蒙塵  
風弄山枝隔嶺聞  
對景遊人何事是  
背琴挑酒踏谿雲

遊古城有懷

王瑤

邑人順天府治中

太原縣志卷六

五十二

古城遊覽倍增傷  
遺址高低草木昌  
羨趙逐流朋滅智  
存周戲剪叔封唐  
潦生地殿蛙鳴驟  
花發垣墉蝶戀香  
惟有槐陰千古頌  
深秋又見一枝芳

遊晉祠

高崙

邑人縣丞

我愛晉溪水流來  
澈底清魚蝦數之  
見沙石點分明  
奚啻照毛髮還堪  
濯冕纓臨涯閒坐  
夕習習晚風生

天龍寺九月

焦古思

四川人本縣知縣

秋日淒淒秋草茸群公邀我度天龍  
風迴鶴夢鯨聲塢露滴鶯啼鳥遶松  
虫篆譙殘山意惱貝經看乞野情濃  
吾

皇明聖孤臣癖萬里霜蹄何所庸

三月再至天龍

谷口經春歲腹荆溪頭捲雪雨飛晴  
肩吾靈隱嵐光碧屏伯吹噓花氣充  
清夜不聞山鬼

太原縣志卷六

五三

泣呈祥誰見孽扶聲登登且閣鷓鴣  
化滄海波臣莫與京

天龍寺

蔡蘭

湖廣漢陽人儒學教諭

行過楚地千餘里今到天龍又一程  
木葉下時秋已半野禽啼處月初生  
松蘿帶露浮青蓋石磴穿雲擁赤城  
杳杳樓臺醉仙子一聲長笛已三更



春日遊晉祠

高自卑 邑人知縣

晉祠景去山城近  
乘興尋常不跨驢  
杖屨每尋山上蕨  
盤飧旋釣水中魚  
壯懷把酒開汪量  
雅志携書結小廬  
醉後嫣然眠翠草  
落花啼鳥亂鶯予

披雲洞 二首

王朝簡 邑庠生

試問披雲何處居  
蒼山洞裏自清虛  
尋真賤役來相訪  
得見神仙石鏤書

太原縣志卷六

五四

神仙何日起家緣  
此洞開來五百年  
滿壁玄書今尚在  
蒼山老樹總依然

仙岩寺六言

雨霽山花亂開  
仙岩嶺上徘徊  
疑眸綠栢芳草  
遠近青松碧苔  
樂奏笙簧好羽  
茂林叢裏飛來  
囊中詩酒者英  
何不此處放懷

登望川亭

段祺 邑人散官

九日登臨躡翠峰  
雲山萬仞有堦通  
荒烟衰

草斜陽裏峻嶺踈林夕照中佳節酒酣籬畔  
菊老年詩寫臆中雄吾儕莫把茱萸負回首  
相看西復東

天龍寺

劉從舜

邑人主簿

萬山高擁梵王宮石蹬羊腸頂上通東嶺種  
松招野鶴北潭行雨起潛龍閣前草長春風  
在澗下波澄夜月空清景撩人耽坐久晚來  
不覺醉顏紅

太原縣志卷六

五

遊天龍洞寺次韻

王朝迪

邑人主簿

招提僧話正因陳名衲傳延信有真泉石古  
人留逸興溪山今我步芳塵雲煙蜿蜒蟠詩  
壁珠玉輝煌盡故人愧我無能過半百神遊  
容忽五三巡

登古城

李紳

邑人監生

散步荒臺望故城斜陽芳草碧雲深西風不  
盡興亡恨目斷天涯野水橫

碑目

夫子廟堂碑在儒學顏真卿書 長春觀碑在南城角元翰林學

士陳儼撰 開化寺雪峰道行碑在蒙山元王好古撰

天龍寺千佛樓碑五代北漢尚書左僕射李宣撰 重脩晉祠

碑元廉訪僉事王思誠撰 重脩晉祠廟碑國朝御史茂

王尚書墓碑國朝學士吳節撰 王御史墓碑國朝都御史何

喬新撰 清水河脩橋碑在東庄寺國朝鄉進士高堅撰

柳子峪脩石橋碑國朝鄉進士李壽昌撰 東庄脩路碑

太原縣志卷六

五十六

在東庄寺內國朝高汝行撰 重脩淨明寺碑在本寺國朝王士撰

新松記碑在晉祠唐立顏願書今無 代祀晉源神祠記

國朝立祝灝撰 起義堂碑唐立今無 平晉縣建賢堂記碑

金立赤鍾撰 學校封事碑國朝陳鳳梧立 王氏先塋碑在

林庄國朝立李東陽撰

太原縣志跋語

太原為晉陽故地且有晉祠山水之勝故其古蹟遺文視他邑為多然原無志書率散失無所於考或按部索觀倉卒謄寫應命而已余留心於是者二十餘年比歲歸田乃考閱通志及抄錄古碑

太原縣志後序

二

訪詢故老摭拾成書草畧殊無足觀聊以備一邑文獻而已畢工我

零樓太公祖序其前邑侯毅齋趙公相與勗其成焉爰書此以識顛末

嘉靖三十年三月吉邑人高汝行識



書寫生負鞏槐

